

[FLASH NOTES]

CATECHOLAMINE: ADRENALINE

النهارده هنتكلم عن adrenaline ، ، بس قبل ما نتكلم عن adrenaline بقى شخصيا
يعنى ، ، عايزين نفتكر يعني ايه sympathomimetic؟؟ -يعنى adrenergic agonist
طب How to classify بقى؟؟

فى طريقة يتقسم على حسب ال mechanism of action:

- يا اما بتشتغل direct action على ال receptor.
- يا اما يشتغل indirect يعنى بيزود adrenaline ال release او يمنع ال uptake.
- وفى أدوية بتشتغل الاتنين بنسميها dual.

- التقسيمة الثانية على حسب الكيمياء:

catecholamine

non-catecholamine

Catecholamine:

ال catecholamine فى catechol ring وده خلى الدواء insoluble
معناها not absorbed orally ، ، ميعرفش يعدى BBB بسهولة ، ، وال aim fate بتاعه
هيبقى COMT و MAO... destruction by Uptake
علشان كده هو rapid onset يتاخده بطريقة سريعة و short duration of action.
مين هما بقى ال catecholamine .

Adrenaline ← Neutral و Noradrenaline و Dopamine والتلاتة موجودين فى
جسمنا

isoprenaline ← Synthetic و dobutamine

النهارده بقى هنتكلم عن ال adrenaline ،

هو دوا كبير شوية فاستحملونى شوية

Source-1:

انا عارف اماكن فى جسمنا تقدر تصنع adrenaline وعارف كويس اوى هو بيتصنع ازاي
* بيتصنع فى ال adrenal medulla او ال suprarenal medulla وبيتصنع فى ال CNS لكن
مش بيقدر يتصنع فى ال adrenergic neurone
Phenylalanine → tyrosine → Dopa → Dopamine → Noradrenaline → Adrenaline

VISIT...

LANZAROTE
Caliente.COM

طب اشمعنى موجود هنا ومش موجود هنا؟؟
 علشان enzyme اللى اسمه عجيب ده phenyl ethanolamine N-methyl
 transferase موجود فى medulla و brain لكن مش موجود فى adrenergic
 neurons

:Chemistry 2-

هقولك ان شاء الله chemistry وكل دوا هتكلم عليه تانى من catecholamine هقولك
 زى adrenaline ، ، فى الكيمياء عندنا 3 كلمات مهمة اوى
 • اول حاجة انه catecholamine ، ، خلاص دى عرفتها ، جواه catechol nucleus
 كتاب القسم كاتب انه alkaloid ، ، ميعرض ملهاش لازمة بالنسبانا اوى
 • فى نقطة مهمة اوى ان adrenaline ده فى منه 2 isomers ← L-isomer و D-isomer
 active form هو L-isomer اللى بيشتغل ك دوا وك هرمون ، ، وهتلاقى الكتاب كاتب
 ان L-isomer is 20 times more active than D-isomer
 D-isomer ده كأنك ماخدتش حاجة كأنك مدتش للعيان أى دوا
 • النقطة الثالثة فى chemistry ان adrenaline ده بنقول عليه unstable compound
 ، ، مش بس adrenaline كل catecholamine are liable to oxidation ، ، لو
 اتعرضوا للهوا ، ، او تعرضوا للضوء ، ، او اى oxidizing agent بيتحول adrenaline للمادة
 لونها احمر او لونها pink للمادة دى اسمها adrenochrome
 ايه مشكلتها بقى؟؟ انها toxic especially in CNS بيعمل hallucination وممكن يعمل
 convulsion وبالتالي ممكن يموت العيان لو اخده على شكل adrenochrome.
 ?give reason: catecholamine as adrenaline should be kept in dark bottles
 عمرك ما هتلاقى ابدأ adrenaline موجود فى ازالة شفافة لانه لو اتعرض لoxidation
 هيتحول لadrenochrome.

?give reason: لازم مع adrenaline احط reducing agent زى vitamin C او ال
 sodium bisulfite ؟

نفس الاجابة ، علشان امنع حدوث oxidation فيتحول لtoxic adrenochrome
 سؤال بقى من بتوع زمان: adrenaline فى جسمنا يتحول لadrenochrome ولا لأ؟؟
 لأ ، ،
 ليه؟؟ علشان فى blood عندى فيه reducing agent بتمنع تحول adrenaline ل
 adrenochrome

:Pharmacokinetics- 3

انت عارف هنا معظم الكلام ، ، فكرنى كده بالabsorption و distribution والفate
 :absorption 1-
 catechol . is not absorbed orally
 ليها اسباب ، ، عايزك تفكر كده ليه adrenaline لا يتاخذ orally هيبقى not absorbed او
 بمعنى اصح مش هيوصل منه لا systemic circulation

اولا دى حاجة مش موجودة فى الكتاب بس انت عارفها ،

1 - بما انه catecholamine يبقى lipid soluble وانا عارف ان الأدوية دى مش بتعرف تعدى cell membrane

2 - adrenaline نفسه لما يدخل جوه ال GIT mucosa يلاقى فيها receptor اسمه $\alpha 1$ ده كان موجود على ال skin والمucous membrane ، ، فالadrenaline شغل ال $\alpha 1$ يبقى عمل ايه؟!

فى ال blood vessel بتاع ال mucous membrane ← vasoconstriction ، ، ، ايه رايك بقى فى امتصاص الدوا لما يحصل vasoconstriction ؟؟ يقل اوى ، ، يعنى كأن adrenaline بيقل امتصاص نفسه

3- السبب التالت انه بيتكسر ، سواء اتكسر بالgastric juice او اتكسر بالenzymes اللى موجودة

ال small intestine والliver ، ، ، فالمحصله ان adrenaline is never given orally لازم تعرف بقى بيتاخذ ازاى ، بيتاخذ بطريقتين كبار اوى ← طريقة اسمها injection وطريقة اسمها topical or local application .

إيه طرق الحقن ← S.C او I.M او I.V ، ، ، لكن adrenaline بيتاخذ بطريقة مش هتلاقىها فى أى دوا تانى فى المنهج ، ، بيتاخذ intra cardiac ، ، علشان نعمل حاجة اسمها cardiac resuscitation ، ، لو حصل للعيان ده لأى سبب من الأسباب cardiac arrest

طبيب adrenaline بيتاخذ S.C وممنوع نهائيا يتاخذ I.V .

← تعالى نبص على ال S.C ، ، هما عليهم receptor اسمه ايه؟ $\alpha 1$ و ال adrenaline بيشتغل α يبقى delay absorption وبالتالي نوعا ما has long duration ، ، يبقى ال S.C طريقة حلوة فى adrenaline وعرفت السبب.

طب تعالى نفكر فى حاجة مش موجودة فى الكتاب

← adrenaline يتحقن I.M ولا لأ؟؟

، لو حقنت adrenaline جوه العضلة ال blood vessel اللى فيها عليها ايه؟؟

الadrenaline هيشغل $\beta 2$ يبقى هيعمل vasodilatation فسرع اوى امتصاصه من ال skeletal muscle لدرجة انه ممكن يعلى الضغط اوى وممكن يعمل arrhythmia على القلب

يبقى adrenaline لو حد سألك يتاخذ I.M ؟؟ ← دى ميزة حلوة اوى لأنه بيشتغل بسرعة لكن ضرره اكر

من نفعه لأنه قد يؤدى الى hypertension و arrhythmia .

نيجى بقى للI.V:

منهج سنة 3 بتاعنا ممنوع حقن ال adrenaline I.V ، فى الطب ان شاء الله اللى فيكو هيشغل فى ال ICU هiestخدم ال adrenaline I.V .

ليه بنخاف من الـ I.V adrenaline؟؟

- 1- لأن الضغط بيعلى مرة واحدة وده ممكن يعمل cerebral hemorrhage
- 2- لأنه بيشغل اوى ال β_1 بتاعة القلب فيجلى tachycardia و arrhythmia ومشاكل ممكن تخلص بحاجة اسمها ventricular fibrillation، القلب هنا كأنه وقف بالظبط علشان كده الـ I.V adrenaline منتهى الخطورة
- 3 - اخطر مشكلة انه بيعمل فى الأول inhibition of respiratory center وبعد دقيقة، اتنين، ثلاثة بيحصله stimulation.

المشكلة فى ايه بقى، ، فى الـ inhibition ولا فى الـ stimulation ؟
فى الـ inhibition، بيحصل adrenaline apnea ، ، لو أنت فى العيادة أو البيت أو مستشفى عادية أو أى حاجة العيان ده كده معندوش تنفس، لكن لو أنت فى ICU يتحط على ventilator وتديله أدوية تصلح الضغط العالي وأدوية تصلح الـ arrhythmia، يبقى اوعى تدى I.V adrenaline الا لو فى ICU.

سؤال للناس الشاطرين: الـ adrenaline على respiratory center بيعمل كده directly ولا reflex؟؟

أكيد مش direct، ليه بقى؟؟ لأنه catecholamine ودخوله الـ brain صعب جدا يبقى غالبا بيعملها reflex.

فيه حاجة اسمها baroreceptors و chemo receptors ، ، لما ندى الـ I.V adrenaline دول بيعسوا بيه يعنى يحصل inhibition of respiratory center وبعد كده يحصل stimulation ، ، خلى بالك علشان كمان الكلام ده مبيقاش ملغبط. لكن لو اديته تحت الجلد او topical بيحصل على طول stimulation of respiratory center ، ،

ليه بقى؟؟ دى معقدة، ، انت عندك الـ baroreceptors والـ chemo receptors دول بيعسوا بالـ chemical او بالضغط العالي ، ، لو الدوا فى البلازما تركيزه مش عالى اوى بيعمل stimulation لدول فيعمل stimulation للـ respiratory center ، ، لما يعلى الـ adrenaline اوى اوى فجأة فى الـ blood يوقف دول شوية كأن مفيش اشارة جاتلى من الـ respiratory center

سمعتو دوا غير الـ adrenaline بيعمل apnea؟؟ ← الـ succinylcholine هل عمل كده برده فى الـ respiratory center؟؟ ← لا، ، ده عمل paralysis of skeletal muscle

فى انهى عيان؟؟ ← فى اللى مش بيعرف يكسره.

تعالى بقى للـ topical

ينفع ادى الـ adrenaline على شكل eye drops وينفع اديه على شكل nasal pack ، ، انا عارف الكلمة دى مش موجودة فى الكتاب ، ، معناها حشوة الأنف يعنى لما اكسر الامبول بتاع الـ adrenaline

واحطها على شاش أو قطن وادخلها فى مناخير العيان علشان أعالج بيها نزيف الأنف. تقدر تديها على شكل inhalation بخاخة ، ، فى علاج bronchial asthma

علشان يشتغل على ال β_2 ويعمل bronchodilatation ويستغل على ال α_1 فى ال mucous membrane بتاع ال bronchi ويقلل ال secretions.

:Distribution

يعدوا بسرعة؟ ولا ميعدوش اوى؟، متقوليش ميعدوش خالص،، هو بيعدى بشكل صعب،، يعنى يعمل حاجة على ال brain ولا لأ؟
يعمل بس minimal effect شوية anxiety،، شوية tremors،، شوية headache،، لكن مش لدرجة ال convulsion والكلام بتاع ال toxic effect ده

:Fate

هو نفس مصير ال noradrenaline،،،
3 حاجات كانت بتحصل لل noradrenaline
← 80% uptake
← 15% بيتكسر بال COMT-MAO
← 5% unchanged بينزلوا فى ال urine
لو بصيت على ال adrenaline هتلاقى نفس ال 3 حاجات مع اختلاف الأرقام:
← 80% uptake،،، فى 3 أنواع من ال uptake،،، الى هما:
1 neuronal- ده رقم واحد وأهم واحد فيهم
2 Tissue
3 Vesicular(Granular- وده الوحيد الى مش بيتكسر،، يعنى بعيد عن ال destruction

← 18% بعد كده destruction by enzymes،،، COMT then MAO:
ال adrenaline اسمه التانى epinephrine لما يشتغل عليه ال COMT من اسمه كده بيعمله ايه؟
catechol-O-methyl transferas يعنى بيحط methyl لل epinephrine فيتحول من epinephrine
لحاجة اسمها metanephrine،،، عرفت meta دى معناها ايه بقى؟،، معناها methyl
ويجى بعد كده ال MAO يحول المركب الجديد ده الى (VMA)
طيب ال noradrenaline لما بيتكسر بيتحول لايه؟
هو اسمه norepinephrine فيتكسر بال COMT ل
nor metanephrine وبعدين vinyl mandylic acid وينزل فى ال urine.

??What is the clinical significant for estimation of VMA in urine

بستعمله علشان اشخص بيه pheochromocytoma،، ولازم اجمع ال urine بتاع 24 ساعة،،، لو لقيتها من 2-6 mg يبقى normal لكن لو عدت ال 50 يبقى tumor فى ال adrenal medulla.

هل معنى كده ان عمرى ما هلاقى adrenaline فى ال adrenergic neurons ولا لأ؟

←هلاقيه لكن مش متصنع، انا هلاقيه جاهز عن طريق neuronal uptake
 امتى ال VMAI يبقى اقل من ال normal فى ال urine ؟
 ←لو ادينا دوا اسمه MAO inhibitor يعنى مش عارف اكسره
 ←2% يحصلهم ال excretion فى ال urine

4- Pharmacodynamics:

وطالما بتكلم عن dynamic يبقى بتكلم عن mechanism of action
 وبتكلم عن ال pharmacological action ، ،
 لازم أحدد هو ال direct ولا indirect ولا dual ؟؟

هو Direct

مشكلة ال adrenaline انه يشتغل على كل ال adrenergic receptors بمعنى α و β all
 ، شغل ال adrenaline على ال α_2 أو ال affinity بتاعته ل α_2 ضعيفة شوية فمش هيبان
 علشان تريخ نفسك ، الى هيبان بالنسبالى هو ال β بأنواعها ال 3 وال 1 α ويُقال ان شغله على
 ال β اكتر من ال α علشان ال affinity اكبر يعنى هو بيحب ال β اكتر من ال α ، ، ، لكن لما اتكلم
 دلوقتى عن ال action فدى بيسببها ال stimulation لل β وال α

فى طريقة سهلة لتقسيم ال pharmacological : action of adrenaline

Local action- 1

Systemic action- 2

ال local action ←

دى معناها لو أدت أدريالين ال SC أو على ال mucous membrane زى ال eye. أو ال nose أو غيره

لو أدريالين على شكل eye drops أو على شكل inhalation

فكر معايا بقى ال subcutaneous blood vessels دى عليها receptors إيه؟!

blood vessels و skin و mucous membrane عليهم ال α يبقى هلاقى إيه فى ال blood vessels ال vasoconstriction. وبالتالي يتقلل امتصاص ال local anesthetics فيعمل prolongation
 لل action ويبطئ وصوله ل ال systemic circulation وما يجيش تشنجات.
 فى ال mucous membranes بيضيع الاحتقان لو المكان ده بينزف فلو عندي نزيف من
 ال nose اسمه epistaxis.

لو حطيت أدريالين ال vasoconstriction هيقف النزيف فيسموه homeostasis.
 يبقى عملنا decongestion وعملنا homeostasis وخذناه مع ال local anesthetics.

هقولك بقى شوية تحذيرات←

قبل لما تدى أدريالين حشو علشان توقف بيه نزيف الأنف لازم تقيس الضغط الأول، ليه
 بقى؟

هو احتمال كبير جدا يكون بينزف من الأنف لسبب idiopathic لكن فيه احتمال إن يكون

سبب النزيف hypertension
فكده عملت vasoconstriction في ال nasal mucosa blood vessels لكن غصب عنك
علشان المكان ده
مليان blood supply دخل على ال systemic circulation وشغل α_1 في كل الشرايين
وعمله hypertension ،
يبقى العيان ده بدل ما كان بينزف من الأنف جاله نزيف في المخ ومات العيان لأنك حطيت
له حشو adrenaline
من غير ما تقيس ال blood pressure.
← يبقى قبل ما تدي adrenaline أو أي agonista لازم تقيس ال blood pressure.
طيب على ال eye لو حطيت قطرة أدرينالين على العين هيجصل إيه؟
أدى العين وفيه mucous membrane اسمه conjunctiva ده مليان blood vessels ، لو
ال conjunctiva فيها احتقان وأديت أدرينالين ، حلوه ديه لأني هشغل ال α_1 اللى هنا
ونعمل vasoconstriction.
يا ترى الأدرينالين هيعمل mydriasis لو اتاخذ local ولا لأ؟
أنا حطيت قطرة أدرينالين وعارف إن فيه عضله اسمها dilator papillae عليها α_1 ، لما
بشغل العضلة ديه بيحصل active mydriasis ال pupil بتوسع وتستجيب للضوء بعد
كده ، يا ترى لو حطيت أدرينالين قطره هيعمل كده ولا لأ؟
adrenaline locally doesn't cause mydriasis in normal patients.
إيه تفسيرها بقى؟
الأدرينالين ده lipid insoluble ومش عارف يعدى ، يبقى عمل إيه لل blood vessels
المسئولة عن العين؟
vasoconstriction مش عارف يدخل.
الحاجة التالته بقى كتاب القسم كاتب هنا إن ال alkaline medium يقصد الدموع الموجودة
هنا بتعمل
destructions of catecholamines
لكن علشان ال highly vascular ← nasal mucosa فيمتص ويعمل systemic action
رغم انه lipid insoluble.
السؤال بقى امتى الأدرينالين يتخط على العين ويعمل active mydriasis؟!
أنت عارف هو ليه ماعملش؟
الى دخل منه جوه العين كمية صغيرة أوى فمش قادرة تشغل ال α_1 فمش قادرة تعمل
dilatation ، عارف بقى امتى يعمل؟
لو عندنا ظاهرة اسمها supersensitivity يعنى عندنا number and sensitivity of
receptors أعلى من اللازم ،
بتحصل امتى ديه؟ كانت بتحصل في أمراض أو أدوية.
الأدوية مش مهمة أوى دلوقتى اللى بياخد MAO inhibitor cocaine واللى بياخد
ganglion blocker

لكن بتحصل برده فى أمراض أشهرها ال glucoma and acute hemorrhagic pancreatitis

← ال thyrotoxicosis بتحصل على مستوى ال β بتاعة ال heart لكن لو بتكلم على العين بقى هتلاقى اللى عنده glucoma واللى عنده pancreatitis هتلاقى number of α_1 receptors

بقى عالي جدا وبقى very sensitive، يبقى وأنا بحط قطرة الأدرينالين هل الكميه اللى دخلت هي اللى زادت؟

ال receptors هي نفسها بقت أكثر فى العدد و more sensitive بيقلوا عليه metabolic disturbance

أنت عارف إن ال receptors ديه عبارة عن بروتين، بيحصل فى الحالات disturbance of protein metabolism

يعنى يبدأ يتكون أشكال معينه من البروتين ويبدأ يتكون حاجات تانيه من ضمنها ال receptors دول ال α فى العين و β فى القلب

والكلام ده، علشان كده بيحصل معاه supersensitivity.

طب لو حطيت أدرينالين تحت الجلد عنيا توسع ولا لأ؟

آه توسع لأن ده systemic action ماشى مع ال blood ودخل جوه العين.

يبقى امتي الأدرينالين يعمل active mydriasis ؟

1. يا إما جاى من ال systemic

2. يا إما اتحط فى عيان عنده supersensitivity

كتاب القسم كاتب لما تاخذ الأدرينالين eye drops وكاتب بين قوسين لويس test، اختبار قديم لا يستخدم فى الطب حاليا

لما كان بيجلنا زمان عيان عنده acute hemorrhagic pancreatitis ماكنتش بعرف أشخاصه، العيان عنده وجع فى بطنه

وأعراضه شبه أعراض 500 مرض شبه الزائدة والمغص الكلوي والمرارة، وعلشان اعرف انه pancreatitis أقوم حاططه قطرة adrenaline، لو العين وسعت يبقى عنده pancreatitis علشان ال supersensitivity لو موسعتش يبقى معندوش.

يعمل إيه الأدرينالين على ال IOP؟

الأدرينالين فى الناس اللى عندهم glucoma بيعمل mydriasis، بيعمل إيه ال mydriasis ده؟

بيضيق ال angle وال drainage of aqueous humor يقل فالمفروض ال IOP يعلى.

طب الأدرينالين بيشغل أنهى receptor فى العين α ولا β ؟ بيشغل كله ← بيشغل ال $\beta_{1,2}$ ودول بيعملوا إيه

فى ال aqueous humor ؟ بيزودوه، و بيشغل $\alpha_1 \leftarrow \alpha_{1,2}$ بيعمل vasoconstriction يبقى دخول الدم أصلا جوه

ال ciliary body قليل وال α_2 بيقلل ال aqueous humor، المحصلة إيه بقى؟!

لو هو بني ادم عادى تقريبا no effect، لكن لو أنا عندي glucoma ال α كثير أوى جوه

العين علشان كده عمل mydriasis
 كمان ال sensitivity زايده يبقى يقل ال IOP.
 ← يبقى adrenaline can be used in treatment of glaucoma ، يبقى عملت حاجات متعارضة أوى
 وسع ال iris وضيق ال angle و زود ال aqueous humor formation ولكن فى النهاية
 قتل ال aqueous formation
 بشكل أعلى فيبقى ال decrease IOP ← net result ، العيان ده مشكلته انه عنده ال α supersensitivity.

تعالى بقى لل systemic action

بنقسمها تقريبا إلى

1. Sympathomimetic action → 5 reactions

2. Action on skeletal muscle

3. Metabolic action

4. On CNS

5. علاقة الأدرينالين ب ال histamine

هو فيه كام نوع من ال antagonist؟

1. Chemical antagonist

2. Physiological antagonist

3. Pharmacological antagonist

رقم 1 ← إن دوا مع دوا يعملوا nuterlization أو chelation.

رقم 3 ← معناها خناقه بين ال agonist وال antagonist على ال receptor ، ليها نوعين competitive و non competitive

إيه الفرق؟

معناها انك لو زودت ال acetyl choline هتطرد ال atropine

لما أقولك مثلا إن ال succinyl choline ده non competitive blocker معناها مهما زودت ال Ach

مش هقدر أطرده ال succinyl choline ، وكمان ال non competitive نوعين ← reversible, nonreversible.

رقم 2 ← قتلوكوا دكتور عبد الفتاح علمهنا كده ، ثلاث اتنينات 2 2 2

- two different compounds

- two different receptors

- two opposing actions

أنا لو عندي allergy لدوا و أول مرة أخذ الدوا هيجبلى أعراض ؟

لا ليه؟ لسه ال immune system لم يتعرف على هذا ال antigen بس بعد كده هيعمل antibodies ← IgE

كل مرة أخذ فيها الدوا يحصل antigen antibody reaction-rupture of mast cell

ويحصل حاجة اسمها degranulation ويطلق ال histamine يعمل الأعراض بقى يعمل skin rash ويعمل angiodema العيان وشه يوم و يعمله حاجة fatal اسمها anaphylactic shock، ال histamine يشتغل على H1 و H2 يعمل vasodilatation sever hypotension و يعمل فى ال bronchi ← bronchospasm أدى العيان ده أدرينالين ؟ ويقفله ال H1 و H2 مش ده شغل الأدرينالين ؟ لأ الأدرينالين ملوش دعوة بالموضوع دلوقتى خالص دلوقتى هو هيشغل على ال α_1 ويعمل vasoconstriction يعنى الضغط هيتحسن و هيشغل على ال 2β ويعمل bronchodilatation يبقى هو ده ال physiological antagonism. الاستعمال ده بييجى نمرة واحد فى الاستعمالات و هو علاج ال anaphylactic ندى معاه antihistaminic ماشى لكن يبقى الأدرينالين life saving drug

Mention a life saving drug in the following condition

1. In acute organophosphorus compound poisoning → atropine

2. In anaphylactic shock → adrenaline

فيه حاجة بقى طلعات موضة معرفش لو سمعتوا عنها اسمها AB pen عارف قلم الأنسولين اللى هو جواه انبولة أنسولين و الجرعة بتتظبط و تتحقن تحت الجلد علشان متلغبطش الجرعات دى حاجة بيستعملوها الجماعة اللى عندهم allergy اسمها AB pen يبقى أول ما يجيله allergy لاي سبب يحقن نفسه تحت الجلد ال histamine بيتصنع جوا ال mast cell مش بيطلع غير لو فيه حادث اللى هو طبعا antigen antibody reaction الأدرينالين لو اتحقنته is a very powerful CNS stimulatory إيه رأيك ؟ غلط طبعا لأن الأدرينالين ← can't easy penetrate لكنه يقدر يعدى و يعمل anxiety و tremors زى ما قولنا و الكلام ده.

طب الأدرينالين على ال metabolism معناها انى بشغل β_1 فى حته زى ال adipose tissue كده ويشغل β_2 فى الأماكن الاتيه ← β_1 ومعاه β_3 فى ال adipose tissue يعملوا إيه ؟ ← lipolysis يعنى يحصل إيه فى ال blood يعنى يزيد ال FA طب تعالى بقى ل β_2 عملنا glycogenolysis و طلع جلوكوز. امتى استخدمه فى ال hypoglycemia عيان سكره عالي أخذ أنسولين بس طلعت الجرعة عالية فدخل فى hypoglycemia أديله adrenaline هروح مشغل ال β_2 ويكسر ال glycogen ويطلع جلوكوز غالبا عيان السكر ده بقى مش سكر بس غالبا سكر و ضغط أو ممكن سكر و ضغط و ذبحه لو أخذ أدرينالين يصلح من السكر اللى عنده لكن هتسيب بصمة بأنك تموته بسبب hypertension و arrhythmia و angina

ال β_2 فى ال muscle برده هتشغل ال glycogenolysis و تطلع جلوكوز و lactic acid و تعمل hypokalemia ← علشان بتخلي العضلات تسحب البوتاسيوم الموجود فى ال blood تنقله على العضلة علشان يساعد انه يحصل repolarization و يحصل contraction. كتاب القسم هتلاقيه كاتب فى حته البوتاسيوم دى معلومة زيادة شوية انه فى الأول بيحصل زيادة فى البوتاسيوم و بعد كده بيبدأ يقل ، مش عارفين سبب ال hyperkalemia الى فى الأول إيه لكن يقال انى لما بدى أدرينالين بيخلى البوتاسيوم يخرج من ال liver عن طريق α_1 فيبدأ يعلى شوية و بعدين بقى ال muscle تسحب البوتاسيوم فيقل ال α_1 بيعمل إيه لما بيشتغل؟ facilitation of neuromuscular transmission هتلاقى مكتوب فى الكتاب بقى حاجتين تانيين مكتوبين مع ال metabolic action مكتوب إن هو calorigenic hormone يعنى بيزود ال oxygen consumption و ال heat production و ال basal metabolic rate. طيب مين أقوى الأدرينالين ولا thyroxin ؟

ال thyroxin طيب مين أسرع ؟ الأدرينالين عشان بيشتغل على ال membrane receptor لكن ال thyroxin بيشتغل على ال nuclear receptor فلسه عايز وقت طويل جدا. فى action تانى ملوش تفسير انه بيعمل activation ل factor 5 اسمه من ال coagulation factor بيبقوا غالبا فى شكل inactive ويتحولوا ل active الخطوة دى الأدرينالين بيسرعها.

فاضل بقى أهم action وهو sympathomimetic action

وطريقة تقسيمها سهلة أوى أنا بقسمها على ال cardiovascular وعلى smooth muscle fibres وعلى exocrine gland ال exocrine gland سهلة أوى:

أنا عندي نوع من ال sweet gland كلكو عارفينه اسمه apocrine gland بتاع ال palm وال sole عليه receptor اسمه α_1 لما اشغله بأدرينالين يحصل شوية عرق يبقى ده موجود بس فى ال palm وال sole عندنا مكان تانى الى هو salivary gland لما بدى أدرينالين يقلل شوية ال watery secretion و بسبب ال saliva تبقى ← thick و viscid يعمل نوع من thick salivary secretion أو dry mouth

تعالى بقى على ال cardiovascular

يعنى ال heart وال blood vessels وال blood pressure ال heart مش محتاج شرح عليه β_1 بيزود كل حاجة automaticity → $\uparrow$ HR

Tachycardia → +ve chronotropic

ويزود ال contraction فى كل حته ← ventricular, atrial و المكان الأهم بالنسبة لـ AV

لما يزدود ال contractility ده اسمه +ve inotropic
 ويزود ال excitability يعنى ممكن يخلى خلايا تبقى pacemaker ويعمل arrhythmia
 جامدة
 ال COP هيزيد وال myocardial oxygen consumption هيزيد ، مين هيدخله الأكسجين
 ده؟
 ال coronary يبقى لازم أدى دوا معاه يوسع ال coronary
 طب ال blood vessels عليها receptor إيه؟
 اى blood vessel عليه α_1 و β_2 و M3 سيبك من M3 أصلا non innervated فى معظم
 الأماكن لكن skeletal muscle blood vessels بتبقى innervated.
 ال α_1 وال β_2 فى أنهى شرايين؟ كله بس الفكرة إن ال α_1 كتير أوى فى ال skin وال mucus
 membrane
 وال β_2 فى ال skeletal muscle BV وال coronary BV ، ال sympathetic كان بيعمل
 vasoconstriction لل skin وال mucus membrane و بيعمل vasodilatation لل
 skeletal وال coronary علشان أثناء المجهود أنت محتاج دول.
 تعالى بقى فهمني الأدرينالين فى ال angina pectoris أخباره إيه؟
 مشكلته انه عنده atherosclerosis فى ال coronary BV يعنى فى narrowing وال
 endothelium بقى rough فمعرض انه يحصل فيه جلطة.
 المشكلة الأهم بالنسبالى إن ال coronary فقد ال elasticity واصل ال coronary ده
 elastic والدليل انك لما تلعب رياضته تلاقى ال coronary وسع عشان أنا فى الحالة دى
 محتاج أكسجين أكثر.
 العيان الى عنده atherosclerosis العيان فقد المرونة وهو قاعد زى حالاتنا كده مش
 منفعل و لا بيتخانق و لا بيعمل مجهود معندوش وجع علشان ال coronary بيدخل
 على قد ما أنا محتاج. لو جيت بقى عملت مجهود هيجصل angina
angina → imbalance between coronary blood flow and cardiac output
 طب تعالى بقى قولى الأدرينالين عمل إيه فى ال cardiac work؟
 زوده وال coronary عمل فيه إيه؟ هو بيوسع ال coronary فى العادي لكن ال
 atherosclerotic coronary مش هيووسع يبقى أنت كده جبت للعيان anginal attack.
كده كام دوا بيعمل angina؟
 1. ال parasympathomimetics علشان بيقللوا الضغط فيقللوا ال coronary blood
 flow
 2. ال parasympatholytics الى هما ال atropine علشان بيزود ال cardiac work
 3. ال adrenaline or any β agonist
 التأثير على ال arterial blood pressure الأدرينالين بيعلى ال ABP
 -خلصت كدا بقي من ال heart و خلصت من ال blood vessels نيجي بقى على اخطر
 حاجه فى ال adrenaline:-

تأثير الadrenaline على الarterial blood pressure:

خلاصه الكلام الadrenaline يعلي الضغط
بس لما نيجي نتكلم على blood pressure بنتكلم على حاجه اسمها systolic و diastolic
ده يبقى controlled بايه و ده بايه؟؟
systolic is controlled by cardiac output and total peripheral resistance
diastolic is controlled by total peripheral resistance
طب عايزين نفس الكلام ده بـreceptors
الCO ده معتمد على الcontractility والheart rate والadrenaline بيشتغل على B1
يزود الاتنين,
يقي بيعمل ايه في الCO ← هيزيد
طب تعالى كده فسرلي الadrenaline عمل ايه في الresistance
هو عمل contraction لل blood vessels ولا dilation؟؟
عمل الاتنين مش كده!! وسع اماكن و ضيق اماكن...يبقى غالبا مفيش تأثير
يقي عمل ايه في الsystolic و الdiastolic؟؟
علي الsystolic لأنه زود الCO والdiastolic ماعملش حاجه
الناس الشاطره تعرف اللي جاي: متوسط ضغط الدم فاكرينه:-
الmean blood pressure ده عباره عن ايه؟؟
$$\text{mean blood pressure} = \frac{1}{3}(\text{systolic} + 2 \times \text{diastolic})$$
 المهم ان هو ثابت
بص بقى كتاب القسم كاتملك ايه او راسملك ايه...راسم زي curve بسيط كده, هتلاقي ال
systolic والdiastolic قبل ما ادي adrenaline ...لما ادي adrenaline بص كده على ال
systolic علي مش كده!! والdiastolic بص عالكتاب هتلاقيه راسم خط كده و نقط
لفوق و نقط لتحت...يعني عايز يقول ايه؟؟
ممکن الdiastolic يقل شويه و ممكن يعلى شويه...ده هيتوقف على الdose او الrate of
adrenaline injection, يعني أول ما تدي جرعات صغيره من الadrenaline الB2 تحس
بيه قبل ال α_1 , تحس بيه اسمها في الpharma ايه؟؟affinity...يبقى B2 ليها higher
affinity عن ال α_1
يبقى ايه اللي هيحصل؟؟
لما تشغل الB2 قبل ال α_1 ال blood vessels توسع و لما ال blood vessels توسع ال
resistance هتقل فتلاقي الdiastolic هيقبل شويه
لما تدي جرعه اكبر ممكن ال α_1 و الB2 هما الاتنين يشتغلوا فيعملوا balance فغالبا ال
resistance مننغيرش
لما تدي جرعه كبيره من الadrenaline ال α_1 overcomes الB2 في العدد فالمحصله
vasoconstriction فيزيد شويه الdiastolic blood pressure
الsystolic-diastolic ده كان اسمه pulse pressure ...ده تأثير الadrenaline عليه
بيزوده

عايزك بقى تقولي خمس جمل كده تاثير ال adrenaline عال blood pressure :-

1. زود ال systolic عشان زود ال CO
 2. في ال diastolic على حسب الجرعه لو قليله هيقل شويه
 3. لو الجرعه اكبر شويه هيفضل ال diastolic ثابت
 4. لو الجرعه عليت خالص هيزيد ال diastolic شويه
 5. ال pulse pressure زاد
- طيب تعالى كده اعملي تجربه القطه:- بص بقى ال adrenaline هيعمل ايه؟
 لما نجيب القطه المسكينه و نحقنها adrenaline و عشان يبقى كلامنا صح هندي
 adrenaline large dose, و ده معناه ايه؟؟ شغل ال $\alpha 1$ عالي جدااا...
 انا بقيس هنا على فكره ال mean blood pressure, قيسنا الضغط قبل ال adrenaline...
 ادينا adrenaline الضغط علي و عرفت ليه مش كده !!
 طيب هيفضل الضغط عالي كده ساعه ساعتين تلاته ولا ايه الاخبار؟؟؟؟
 بيرجع normal بسرعه صح؟ ليه short duration...
 ليه بقى short duration؟؟ لان بيحصله uptake و بيتكسر
 و بعد كده اروح مدي دوا مش مهم اسمه...المهم فعله:- دوا اسمه phentolamine بين
 قوسين كده (α blocker)
 ال α blocker لما يتحقن في القطه يعمل ايه في الضغط؟؟
 لما بيشتغل ال $\alpha 1$ الضغط بيزيد...يبقى لما اقفل ال $\alpha 1$ الضغط هيقل
 طيب انت مالكش دعوه بيه دي بقى ال curve, انا اللي عايزك تعرفه ان انا لما اديت ال $\alpha 1$
 blocker ده الهدف منه ايه؟؟ اقلل ال ال $\alpha 1$ الموجوده في الشرايين... رجعت بقى رحت
 مدي نفس الجرعه بتاعه ال adrenaline
 يا ترى هيجصل ايه؟؟ hypotension...ليه بقى؟؟
 عشان اشتغل عال B2... يعني معناها انه زود ال CO شويه بس قلل قوي ال total
 peripheral resistance عشان كده الضغط قل
 اسمها ايه بقى الظاهره ديه؟؟؟؟
 اللي انت شايفه ده ان الدوا بدل ما كان بيعلي الضغط بقى بيقلله يبقى اسمها
adrenaline reverse
 وده محتاج كام شرط؟؟
 شرط واحد اللي هو ال $\alpha 1$ blocker
 لكن لما قلنا على ال acetylcholine لما بيعمل **acetylcholine reversal** كان محتاج كام
 شرط؟؟
 اتنين...ال atropine وال large dose of acetylcholine
 اسالك بقى 3 اساله كده:-
 1. لو اديت propranolol بدل ال phentolamine
 عارف يعني ايه propranolol يعني B blocker
 فكر كده...حقنت adrenaline على الضغط, و بعدين حقنت B blocker و بعدين حقنت
 adrenaline تاني يحصل ايه؟؟ يعلي الضغط اكثر...ليه؟؟؟؟

عشان بيشتغل عال ال α_1 unopposed
 سؤال:- how to abolish the effect of adrenaline on arterial blood pressure??
 اقل ال α_1 وال B... لانك قفلته ال receptors بتاعته كلها
 يبقى ده بقى الكلام اللي يهمني فال ABP
 الحصة اللي فاتت سالوني سؤال:-

هو الدواء لما يعلي الضغط يعمل ايه في ال heart rate؟؟؟

يعمل bradycardia
 طبيب ال adrenaline وانت بتزاكر عمال تسمع tachycardia وعمل hypertension
 ماحصلش ليه معاه reflex bradycardia؟
 هوا ال reflex ده معناه ايه؟؟؟
 اذا الضغط يعلى فال baroreceptors تحس فتبعث للقلب عن طريق شغل ال vagus
 تشغل muscarinic... ليه بقى ماحصلش مع ال adrenaline؟؟؟
 adrenaline is a very powerful B_1 agonist
 يعني ايه؟؟؟
 يعني هو على الضغط و ال baroreceptors حسست و حاولت تبعت اشارته تقلل ضربات
 القلب بس المشكله ان الدواء يتاعك ده شغل ال B_1 بشكل قوي... فال result ان الضغط علي
 وضربات القلب زادت... فيقولك جملة حلوه اوي:-
 the direct action overcomes the reflex action
 خلصنا كذا من ال pharmacological actions بتاع ال adrenaline, اسهل حاجه تقولي

استعمالاته:-

هو hypotension طبعا نظريا صح بس اهم من ال hypotension كده لوحده
 anaphylactic shock
 وهنا ال adrenaline is a lifesaving drug... الاستعمال ده تاخذ عليه $\frac{3}{4}$ الدرجة الباقي
 كله لو ماقلتوش مش مهم, لو انت قلت الباقي كله وده ماقلتوش zero
 تعالى بقى نرجع للزكريات اللي من شويه كده, الدواء ده لما يتحط على الجلد كان بيعمل
 ايه؟؟؟
 بيقف النزيف... يبقى بيستخدم في حالات ايه؟؟
 1 - بديه على شكل nasal pack بس لازم الاول اقيس الضغط
 2 - نمره اتنين اديه ك decongestant اديه للعين مثلا يكون فيها احتقان اضيع الاحتقان
 3 - نمره ثلاثه لو حطيته للمره المليون على local anathetics عشان اطول ال action
 بتاعهم و عشان مايعملوش toxic effect

تحذيرها...م...

اوعى تحط ال adrenaline مع مخدر موضعي اسمه cocaine...اشمعنى؟؟؟

هو ال cocaine ده ايه؟؟؟

indirect sympathomimetic...يعني بيعمل ايه في الشرايين؟؟؟

vasoconstriction...بيحصل ازاي؟؟؟هل ال cocaine نفسه الي شغل ال α؟؟؟

منع ال UPTAKE بتاع ال noradrenaline فبدا يعلى و يشغل ال α

يبقى ال cocaine لوحده بيعمل vasoconstriction حط بقى سيادك معاه ال adrenaline

يبقى هيجصل severe vasoconstriction يؤدي الى gangrene

نمره اتنين في التحذيرات:- اوعي تحط ال adrenaline مع local anathesia في الاماكن

الي فيها end artery

وال end artery دي موجوده في 3 اماكن:- ال fingers وال toes وال male sex organs

اشمعنى محطش هنا adrenaline؟؟؟

عشان لما تحط adrenaline بتعمل vasoconstriction و تبقى كده قفلت الشريان و ال

blood supply يقف ويحصل برده gangrene

طبعا ال male sex organs بنعمل فيها عمليه مشهوره جدا اسمها circumcision و ديه

عمليه في منتهى السهوله تعملها وانت في امتياز,مشكلتها pain و bleeding ب...عشان

تضيق ال pain بتدي ايبه؟؟؟

local anathesia...وعشان توقف النزيف؟؟؟

adrenaline...لو عملت العمله السوداء ديه يحصل gangrene ساعتها ديه نهايتك لما

يجصل gangrene في عمليه سهله زي ديه معناها ان انت كده مش هتمارس الطب تاني

4 - طيب ال adrenaline يستخدم في ايه في العين؟؟؟يعالج ايه في العين غير ال

congestion؟

يعالج ال glaucoma يقلل ال IOP

مليان مشاكل بقى في العين...العيان يحط قطره adrenaline في عينه يبجي يشتكيلك بقى

في imitation في lacrimation ساعات كمان يحصل pigmentation في ال sclera

يجيلك العيان في بقع ملونه كده في البياض بتاع العين عشان كده احفظ من النهارده

البديل بتاعه في ال eye اسمه dipenephrine...الفرق بينه و بين ال adrenaline ان هو

lipid soluble more وان هو less imitant وانه prodrug ← يعني لما يتحط في العين

يدخل جواها كده ويتحول الى adrenaline

سؤال:- لو حطيت adrenaline في normal eye يحصل mydriasis ولا لأ؟؟

no mydriasis ليه؟؟

عشان soluble وعشان بيعمل vasoconstriction وعشان بيتكسر بالدموع

طيب ال dipenephrine لما احطه في العين يعمل ولا لأ؟؟

يعمل mydriasis عشان هو lipid soluble بيدخل جوا العين بسهولة ويتحول جواها ل

adrenaline

وبنستخدمه غالبا عشان نعمل fundus examination

5 - طيب بالنسبه لاستعماله في ال bronchial asthma...هو حلو ولا وحش ال

adrenaline في ال bronchial asthma؟؟؟
هو حلو...عشان ابيه؟؟؟عشان بيشغل ال B2 فيوسع ال bronchi ويشغل ال 1 فيعالج ال
congestion الموجود في ال bronchi
بس وحش عشان بيشغل ال B1 فيزود كل خواص القلب ويشغل على ال α فممكن يعلي
الضغط
مين احسن منه بقی؟؟؟
selective B2 agonist, تسمع عن دوا اسمه sulbitamol
6- واحد عنده hypoglycemia ينفع ياخذ adrenaline ولا لأ؟؟؟
نظريا صح لما اديله adrenaline هيعمل glycogenolysis و يعلي ال blood glucose,
لكن مين احسن منه؟؟؟
glucose intravenous
7- طيب حقنا adrenaline في القلب...عملنا حاجه اسمها cardiac resuscitation لو كان
القلب توقف اللي هي اسمها cardiac arrest
8 - في حاجه بقی مسمعناتهاش في النهج اسمها contraction ring of uterus ... انت
عارف اثناء الولادة بيحصل ايه في ال uterus؟؟؟
contraction in the body and relaxation in the cervix, طب تخيل بقی الست ديه
جت اثناء الولادة كده بدل لما ال uterus كله ينبض يحصل حاجه اسمها contraction
ring of the uterus...ايه مشكلتها ديه؟؟؟
انتو فاهمين معناها يعني كان في حلقه هي المنقبضه و بقیه الرحم فيه relaxation...
نعمل ايه في الموضوع ده؟؟؟
relaxation of the uterus, يعني اشتغل انهي؟؟؟ B2
طيب ال uterus فيه α وفيه B2 وال adrenaline بيشتغل على انهي واحد فيهم هما الاتنين
طيب اشمعنى بقی حصل relaxation لو اديت adrenaline؟؟؟
يقال ان في اخر الحمل ال number بتاع ال B2 بيبقى عالي جدا...
طيب هتروح كده بعدها اديت adrenaline وحصل uterine relaxation والطفل اهو
كويس الحمد لله, اعمل ايه بعدها؟؟؟
ادي حاجه بقی تعمل contraction اللي هوا مين بقی؟؟؟ oxytocin
طيب هنا ال adrenaline حلو ولا وحش؟؟؟
حلو عشان شغل ال B2...و وحش ليه؟؟؟عشان شغل ال B1 في القلب عمل مشكله وشغل
ال 2 α الضغط علي
مين احسن منه؟؟؟
selective B2 agonist, نسمع عن دوا اسمه isoxsuprine
يبقى ديه بالنسبه لينا ال systemic uses بتاع ال adrenaline, ولو اخدت بالك كده معظم
الاستعمالات قصاها بديل, ماعدا ايه؟؟؟
anaphylactic shock

طبيب عايز بقى عيوب الadrenaline...الadverse effects؟؟

- 1 - عمل ايه في الضغط؟؟؟ على الضغط...يبقى ممنوع في انهي عيان؟؟hypertension
 - 2 - عمل ايه في صوابع الايديين و الرجلين وال male sex organs؟؟ لو اتحط مع local anathesia هيعمل gangrene, يبقى ممنوع مع ال local anathesia في الاماكن دي
 - 3 - عمل ايه في القلب؟؟ زود كل حاجه...العيان يجيلك ب tachycardia و arrhythmia والعيان هيحس بحاجه اسمها palpitation وهيجيلو angina
- طبيب العيان اللي بياخد adrenaline وهو عنده thyrotoxicosis ايع رأيك فيه؟؟
هيزيد اوي كل خواص القلب...يبقى ممنوع, طب افرض مضطر تستعمله؟ ادي جرعه اقل شويه
- عيان بياخد adrenaline مع دوا هنسمعه بعد كده ان شاء الله اسمه ال digitalis
ال digitalis ده لحد ما نوصله هنعرف عنه 3 كلمات ان هو:
- positive inotropic, negative chromotropic, negative dromotropic
- الحاجه بقى الفطيعه في ال digitalis انه بيخلي ال ventricles يحصل فيه arrhythmia, يعمل حاجه اسمها ectopic pacemaker يعني يخلي الخلايا الي مهياش pacemaker تبقى pacemaker
- حط بقى سيادتك معاه adrenaline, يبقى تعمل فيه ايه؟؟؟
تعمل حاجه اسمها ventricular fibrillation
- ممنوع اني احط adrenaline مع ال digitalis
- في حاجه اسمها pulmonary embolism, في الحاله دي جايلك ب arrhythmia هو جاي جاهز ب arrhythmia اديله adrenaline فكدده هتدخله في ventricular arrhythmia
- ال halothane... يطلع ايه ال halothane ده؟؟؟
- ده مخدر كلي بيخلي خلايا القلب very sensitive to adrenaline...يبقى لو اديته للعيان اثناء العمليات الجراحية ممكن تجيبه ventricular arrhythmia
- طبيب افترضت انك عملت العمله الجميله ديه و اديت العيان من دول adrenaline وعمل arrhythmia اعمل ايه؟؟؟
- اديله B blocker ده الحل لان المشكله حصلت بسبب B1 stimulation
- وعرفنا ان هو بيجيب لعيان الذبحه الام فممنوع في ال anginal patient
- الجزء الي باقي بقى الي هو مكتوبلك ال α وال B ده هو بيعمل رد فعل مبالغ فيه لو عندي supersensitivity سواء بسبب ادويه زي مثلا ال ganglia blockers او حاجه اسمها sympatholytics
- وبيعمل حاجه بقى الي هي ال weak action بتاعه على ال CNS الي هي:-
headache, tremors, anxiety

ايه بقى ال drug interaction بتاع ال adrenaline؟؟؟

- يعني ال adrenaline مع كذا حلو ولا وحش:-
- *مع ال digitalis وحش عشان ال arrhythmia
- *مع ال cocaine وحش عشان هيعمل vasoconstriction و gangrene
- *مع ال halothane يعمل ال arrhythmia
- *مع ال local anathesia في ال fingers, toes, male sex organs يعمل ال gangrene
- *مع ال B blockers ؟؟؟؟ يعمل ال hypertension
- *مع ال α blocker ؟؟؟؟ يعمل ال hypotetension
- وال interactions ديه اللي قلناها قبل كده مش محتاجه انك تنزعج